

HIERONYMUS.

¹ *EMATH*, terminus *Allophylorum* in regione *Damasci*.

² *EMATH*, regio *Allophylorum*. Porro juxta *Hieremiam* civitas *Damasci*.

³ *EMATHDOR*, in tribu *Nephthalim* separata *Levitis*.

⁴ *EMAUS*, de quo loco fuit *Cleophas*, cujus *Lucas* meminit *Evangelista*. Hæc est nunc *Nicopolis* insignis civitas *Palæstinæ*.

⁵ *EMEC ACHOR*, quod interpretatur *vallis Achor*, id est, tumultus atque turbarum: ubi *Acham* lapidibus oppressus est, eò quod quædam de anathemate sustulisset. Est autem locus juxta *Hierico* haud procul à *Galgalis*. Malè ergo quidam putant *vallem Achor* à nomine ejus, qui lapidatus est, nuncupatam, cum ille *Acham* dictus sit, & non *Achor*, vel *Achar*.

⁶ *EMEC RAPHAÏM*, id est, *vallis Raphaim* in tribu *Benjamin*.

EMER vel *EMMER*, urbs apud *Babylonios*, è qua nonnulli de captivitate redierant, 1 *Esdrae* 11. v. 59. & 2 *Esdrae* 11. v. 61.

EMIM, non est locus aliquis, sed *populus Gygantææ* propemodum *staturæ*, qui primùm *Moabiticam* regionem incoluerant, quos postea *Moabitæ* expulerunt, *Deuter.* 11. v. 10, 11.

EMMAUS. Vide *EMAUS*.

EMMAUM. Vide *EMAUS*.

EMMER. Vide *EMER*.

EMONA, urbs in tribu *Benjamin*, *Jos.* xviii. v. 24.

⁷ *ENADDA*, in tribu *Issachar*. Est autem usque hodie quædam villa *Enadda* pergentibus de *Eleutheropoli* *Æliam* quasi in decimo milliaro.

⁸ *ENAIM*, in tribu *Juda*, hodieque villa est *Bethenim* circa *Terebintum*.

⁹ *ENAKIM*, & in hac interfe-

ΕΥΣΕΒΙΟΣ.

Εμάθ, ὅριον τῶν ἀλλοφύλων, ἐν χώρᾳ Δαμασκῶ.

Ἡμάθ, χώρα ἀλλοφύλων. ὁ δὲ Ἱερεμίας, πόλις Δαμασκῶ.

Εμμαχδὼς, κλήρε Νεφθαλείμ, Λευίταις ἀφορισμένη.

Εμμαῦς, ὅθεν ἦν Κλεόφας, ὁ ἐν τῷ κατὰ Λευκᾶν εὐαγγελίῳ. αὕτη ἐστὶν ἡ Νικόπολις τῆς Παλαιστίνης ἐπίσημος πόλις.

Εμέχ Α'χὼς, ἐξημενέται κοιλὰς Α'χὼς, ἐνθα ἐλιθοβόλησαν Α'χὼρ κλέψαντα τὸ ἀνάθεμα, ἀφ' οὗ καὶ ὑποσωνυμίας ἔτυχεν πλησίον Ἱεριχοῦς. δείκνυνται εἰς ἐτι νῦν ὁ τόπος παρὰ τὴν Γάλγαλα.

Εμεκραφαίμ, ἡ ἐστὶν ἐν κοιλάδι Ράφαίμ κλήρε Βενιαμίν.

EUSEBIUS.

EMATH, terminus alienigenarum in regione *Damasci*.

HEMATH, regio *Allophylorum*. At *Hieremias*, civitas *Damasci*.

EMMACHDOR, fortis *Nephthali* *Levitis* decreta.

EMMAUS, unde erat *Cleophas*, qui in *Evangelio* secundum *Lucam* (nominetur.) Hæc est *Nicopolis* urbs *Palæstinæ* nobilis.

EMEC ACHAR, exponitur *vallis Achor*, in qua lapidibus obruerunt *Achor*, cum *anathema* furatus esset, à quo appellationem sortita est, juxta *Hierico*. Monstratur etiam hodie locus ultra *Galgala*.

EMECRAPHAÏM, quæ est in valle *Raphaim* fortis *Benjamin*.

NOTÆ.

tes, aut etiam ipse *Jesus*, vel solus. Hoc autem in loco conjungendus est *Josua* cum aliis, cum in exploratorum numero, ut ex *Historia* constat, fuerit. Non ex hoc uno loco animadvertere licet *Hieronymum* tam doctum Græcè non fuisse, quàm multi putant. Vide *Questionem Hieronymianam* iii. Non necesse est hic repetere, quæ illic dicta sunt. *CLERICUS*.

1. De hac proximè in voce sequenti. *BONFRERIUS*.

2. Apud *Ezechielem* Capp. 47. & 48. Videtur *Emath* terminus *Damasci* constitui; at nusquam *Allophylorum* vel regio, vel terminus dicitur: neque verò esse potest, si *Allophylis* propriè sumantur pro *Philistæis*, quomodo eam vocem consueverunt usurpare *Septuaginta* Interpretes; at si hæc vox latius usurpetur pro quibuslibet alienigenis, seu exteris à *Judaico* genere & religione alienis, nihil vetat *Emath* dici terminum, vel regionem *Allophylorum*. *IDEM*.

3. Hæc in versione nostra *Hammotbdor* appellatur, *Jos.* 21. v. 32. Eadem *Hamon* dicitur, 1 *Paral.* 6. v. 76. *IDEM*.

4. Hæc *Emmaus* vel *Emmaum* in versione nostra appellatur, locus sic dictus ab aquis calidis, teste *Josepho* Lib. 4. *Belli* Cap. 1. *ὁ ὄντις ἡ ἡμῶν* enim aquæ calidæ sunt. Distat ab *Hierosolymis* stadiis sexaginta, ut *Lucas* asserit in *Evangelio*, Cap. 24. v. 13. *Josephus* Lib. 7. *Belli*, Cap. 26. triginta tantum stadia ponit, sed vel aliquis in hoc numero error, vel non est audiendus *Josephus* reclamante *Scriptura*, nisi quis dicat cum duplo longiora usurpare stadia: & verò argumenta sunt non levia quæ indicant *Josephum* ferè uti longioribus stadiis. Capta à Romanis *Hierosolyma* hæc *Emmaus* in civitatem aucta est, & *Nicopolis* appellata, quo nomine passim hoc libro de locis *Hebraicis* indigitatur. *IDEM*.

5. De hac historia, sublato videlicet anathemate, exorta turbatione, fumto supplicio habes *Jos.* 7. ubi & in finem versio nostra loco nomen factum esse *vallem Achor* ait, *Septuaginta* retentâ voce *Hebræâ* *Emec Achor* dixerunt, præ *Emec* enim *vallem* significat. Porro nomen ejus qui lapidatus est non tantum esse *Achan*, sed etiam *Achar*, vel *Achor*, quod videtur hic negari, comprobavimus, *Jos.* 7. v. 1. *IDEM*.

6. Ita hanc *vallem* appellant *Septuaginta* Interpretes, *Jos.* 18. v. 16. alibi aliter reddunt; qua de re nos supra in *Cælas Titanorum*, ubi de hac valle pluscula, quo in loco etiam illud improbamus quod hic dicitur, hanc *vallem* fuisse in tribu *Benjamin*. *IDEM*.

7. In versione nostra *Enbadda* appellatur, *Jos.* 19. v. 21. Si qua fuit ejus nominis villa inter *Eleutheropolim* & *Æliam*, ea à priore illa necessariò diversa fuit, utpote in tribu *Juda*. Significat hæc vox oculum acutum. *IDEM*.

8. De hac habes *Jos.* 15. v. 34. Significat hæc vox geminos oculos, vel duos fontes. *Bethenim* verò, vel potius *Bethenaim* significat domum oculorum. Quem autem locum nomine *Terebinti* significare velit, supra modum obscurum est; erat sanè in tribu *Juda* *Vallis terebinti*, neque de alia *terebintho*, quæ loci nomen esse possit in tribu *Juda* *Septuaginta* Interpretes meminerunt, ut meritò suspicio esse possit deca hic sermonem esse, uti & infra in voce *Gaddera*. *IDEM*.

9. Rectè hic *Eusebium* postremis verbis corrigit *Hieronymus*, nusquam enim vel *Hebron* vel alia eo nomine legitur urbs: at *habitatores Hebron* à *Josue* & *Caleb* interfecti *Enacim* dicti sunt, *Jos.* 11. v. 21. *Judic.* 1. v. 20. *IDEM*.

1. Hæc